



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopo Magvntino, Episcopo Sabinensi.

urn:nbn:de:hbz:466:1-20006

482 Epistolarum Innocentij III.

DE ALCOBATIA....DE SEIZA
Abbatibus, & F. Menandi monacho
Alcobatia.

*Epiſt. 215.
De eodem ar-
gumento.*

Q Vid scribamus Priori & fratribus sancte Crucis super controversis gravibus & diversis quæ inter ipsos & Colimbriensem Ecclesiam agitantur, ex litteris apostolicis patentibus, eis directis, perpendere poteritis evidenter, quas per solicitudinem vestram ipsis omni contradictione & appellazione cessantibus exhiberi volumus & jubeamus. Quamvis autem coram vobis, quibus examinationem negotij sub certa forma recolimus commisſe, testes utrinque produci fuerint & recepti; quia tamen de cauſa non constitit nobis ad plenum, per apostolica vobis scripta diſtriictè præcipiendo mandamus quatenus receptis adhuc aliis testibus, si de ipsarum partium processerit voluntate, si quos super privilegiis, libertatibus, vel aliis articulis duxerint producendos, & usque ad diffinitivam sententiam, remoto appellationis obstaculo, procedentes, gesta omnia nobis sub sigillorum testimonio per vestrum fidelem nuntium transmittatis, ad festum omnium sanctorum proximè futurum diem peremptorium assignantes, quo recepturæ sententiam per se vel per procuratores idoneos nostro se conspectui repræsentent: ad quem si qua earum venire contempserit, nos nihilominus, quantum de jure poterimus, procedemus. Testes &c. per censuram ecclesiasticam cogantur. Quod si omnes &c. duo vestrum &c. Datum ut suprà VIII. Kal. Decembbris.

ARCHIEPISCOPO MAGVNTINO,
Episcopo Sabinensi.

*Epiſt. 216.
Vi ab injusto
& illicito jura-
mento Cano-
nici Herbipo-
lensis absolu-
vatur.*

*Vide supra,
epiſt. 201.*

Officium credita nobis administrationis exposcit ut non solum corrigamus ea quæ perperam fuerint attentata, verum etiam illos qui contra ecclesiasticam honestatem & sanctorum patrum constitutiones temeritatem suam non metuant exercere, ne impunitas nocentium pariat delinquentes, animadversione debira puniamus. Ad audienciam siquidem apostolatus nostri pervenit quod C. quondam Hildemensis Episcopus cum Herbipolensem Ecclesiam temerè occupasset, inter alia quæ nimia temeritate ductus nequiter attentavit, à Canonicis ejusdem Herbipolensis Ec-

clesiæ exegit ut post ejus obitum familiæ suæ duo millia marcharum se promitterent soluturos, & ab eis juramentum obtinuit quod antequam illæ marchæ solverentur illis quibus ipse persolvi mandaret, successori ejus nullatenus obedirent; subsequenter etiam suggerens eis quod pro successione Herbipolensis episcopatus quidam conspirassent in mortem illius, similiter postulavit ab eis ut eidem eligerent successorem. Cujus petitioni Canonici annuentes, ad electionem hujusmodi faciendam sex de suis confratribus elegerunt. Qui cum Monasteriensem Episcopum elegissent, præfatus C. fecit Canonicos ipsis tactis sacrosanctis evangelii juramento firme quod electioni jamdictæ nullo unquam tempore obviarent. Quoniam igitur tam enormem præsumptionem nec possumus nec debemus sub dissimulazione transire, fraternitati tuæ per apostolica scripta mandamus atque præcipimus quatenus, si præmissis veritas suffragatur, omni contradictione & appellatione postposita, auctoritate nostra prædicta juramenta tanquam illicita denunties non tenere, & illis quos ribi constiterit taliter juravisse, de illicitis juramentis condignam poenitentiam & satisfactionem injungas. Si qui verò contra formam hujus mandati nostri tibi duxerint resistendum, eos ecclesiastica severitate percellere non omitras. Datum Laterani VIII. Kal. Decembbris.

LITTERÆ FIDELITER
interpretatæ de Armenico in Latinum,
quas Catholicus Armenianorum Dominus
Papa Innocentio destinavit.

VObis, qui estis caput post Christum, consecrati ab eo, & Caput Catholicae Ecclesiæ Romanæ matris omnium Ecclesiarum, adeo prudentes & sancti, quod debetis esse in loco Apostolorum sublimis Papa, & vobis sanctis Archiepiscopis, Episcopis, Cardinalibus, Presbyteris, Clericis, & omnibus qui sunt de vestra sancta Ecclesia, salutem & fraternitatem. Pax Dei sit inter vos. Gregorius homo Iesu Christi per gratiam Dei Catholicus totius Ecclesiæ Armenianorum, filius vestrae sanctæ Ecclesiæ, quæ est fundamentum legis totius Christianitatis. Scias quod nos Archiepiscopi, Episcopi, Presbyteri, & Clerici oramus Iesum Christum, qui est

*Epiſt. 217.
De coronatio-
ne Regis Ar-
meniorum.
Vide Raynal-
dum ad an.
1198. §. 22.*